

# INUIT ATAQATIGIIT INATSISARTUNI



09.02.2024

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka.

## **Naalackersuisunut apeqqut:**

- 1. Tasiilap Islandillu akornanni Tusass.-i immap naqqani missisuinissamik pilersaaruteqarnersoq Nalackersuisut ilisimasaqarpat?**
- 2. Islandimiit Tasiilamut immap naqqatigut kabelisiisoqassagalarpat qanoq akeqassangatinneqarpa?**

(Inatsisartunut Ilaasortat Harald Bianco, Inuit Ataqatigiit)

## **Tunnqavilersuut:**

Maanna Tasiilami piorsaaneq unittussaajunnaarluni aallarnisarpoq. Erngup nukinganik pilersuineq ukioq manna annertusineqassaaq. Aalisakkannik tunitsivissaq suliaralugu aallartinneqassaaq. Aallaqqaammut inuusuttunut inissialorneq aallartereerpoq. Vest Nordiskråd suleqatigalugu Tasiilami Efterskoleliornissaq aallarateriaannaassasoq ilimanaateqarpoq. Piorsaalereernerup annertusiartuinnartussap nassatarisaanik umiarsuialiveqarnikkut pitsanngorsaasinnaaneq pileraannavoq. Tassanimi periusissiami Tasiilami umiarsuliviup allilernerqarnissaa salliit ilagissagaat allaqqammat. Suluusalinnut mittarfittaarnissap pilersinnissaanut misissueqqinnissamut ukioq manna aningaasaliivugut.

Kommuneqarfik Sermersuumi suliuutit aamma ingerlaavarput; inunnik isumaginnittoqarnikkut suliniarneq nunatsinni annertunersaavoq. (Siunissami sulisuqarniarnissamut iluaqutaajumaartussaq.) Aalisartut piniartullu umiatsialiveqarnerat pitsanngorsaaviginiartuarneqarpoq puttasuliortuarnikkut. (Tunitsiveqalernissamut umiatsiaarsortut amerliartornissaannut iluaqutissaq.) Ilaqutariinnut inissialorneq allanillu (Utoqqaat illuat nutaa, qatserisarfik nutaaq) sanaartoqqinnissaq qulakkeeqqapput, apeqqutaaginnarluni sanaartortussanik qulakkeerinninnissaq.

Tunnqavilersuutit qulaani allanneqartut takutippaat Interneteqarnikkut søkabeli aqqutigalugu aamma piorsaasariaqartugut. Maanna silaannakkut attaveqaateqarnerput ima ajortigaaq, suliffinni nutaanik pilersinneqaleraluttuartunut inorsalertussaalluni. Naakka aali pitsanngorsaasoqarnikuugaluartoq naammaqqajanngitsumilli.

Apeqquteqaatit ullut suliffiit qulit qaangiutsinnagit akineqarnissaat kissaatigaara.